

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N3

1. Ընդհանուր տեղեկատվություն

Ծրագրի անվանում	«Տարեց և (կամ) հաշմանդամություն ունեցող անձանց տնային պայմաններում խնամքի ծառայություններ» (Վանաձոր 1)
Դրամաշնորհի N	«1032-11002/2024-ԼՎ-1»
Դրամաշնորհատու կազմակերպություն	ԱՍՀՆ
Դրամաշնորհառու կազմակերպություն	«Հայկական Կարիտաս» ԲՀԿ
Ծրագրի իրականացման ժամանակահատված	03.01.2024 - 31.12.2024
Հաշվետու ժամանակահատված	01.07.2024 - 30.09.2024
Ներկայացման օր	14.10.2024
Հաշվետվության պատասխանատու (անուն, ազգանուն, պաշտոն)	Հասմիկ Հովսեփյան, ծրագրի համակարգող

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 և թիվ 7 հավելվածներով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հաշվետու ժամանակահատվածի համար պլանավորված գործողություններն են. 1) Կենցաղային սպասարկում 2) Բժշկական օգնություն և սպասարկում 3) Սոցիալ-հոգեբանական օգնություն 4) Խորհրդատվության օգնություն 5) Լվացքատան ծառայություն 6) Չոր սննդի տրամադրում 7) Առաջին օգնության դեղորայքի տրամադրում 8) Մշակութային միջոցառման կազմակերպում
--

2.2. Խնդրում ենք նկարագրել միջոցառման առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ միջոցառման խնդիրների/նպատակի իրականացմանը:

Սոցիալ-հոգեբանական օգնություն և խորհրդատվություն Հաշվետու ժամանակահատվածում սոցիալական աշխատողի կողմից կատարվել է պետության կողմից ուղեգրված թվով 1 շահառուի անհատական կարիքի գնահատում և ըստ գնահատման կազմվել է անհատական սոցիալական ծրագիրը:

Ծրագրում ընդգրկված 1 նոր շահառուի հետ կնքվել է ծառայությունների մատուցման պայմանագիր:

Հաշվետու ժամանակահատվածում սոցիալական աշխատողի կողմից կատարվել է թվով 9 շահառուի փաստագրում անապահովության գնահատման համակարգում:

Թվով 1 շահառուի համար սոցիալական աշխատողը դիմել է ՄՍԾ Վանաձորի տարածքային կենտրոն՝ եռամսյա միանվագ դրամական աջակցություն ստանալու համար:

Թվով 3 շահառուների համար սոցիալական աշխատողը դիմել է ՄՍԾ Վանաձորի տարածքային կենտրոն՝ նոր կենսաթոշակի գրքույկներ ստանալու համար:

Թվով 1 շահառուի համար սոց.աշխատողը դիմել է Վանաձորի համայնքապետարան՝ ներկայացնելով դիմում քաղաքապետարանի կողմից վառելափայտ ստանալու համար:

Եռամսյակում սոցիալական աշխատողը կատարել է տնային այցելություններ շահառուների բնակարաններ, ծանոթացել շահառուների սոցիալ-առողջապահական ընթացիկ վիճակին:

Շահառուների սոցիալական խնդիրները լուծումներ են ստանում համապատասխան ծառայությունների տրամադրման, խորհրդարկությունների, միջնորդական ծառայությունների կամ անմիջական օգնության միջոցով:

Կենցաղային սպասարկում

Հուլիս-սեպտեմբեր ամիսներին սոցիալական խնամողների կողմից կատարվել է կենցաղային սպասարկում՝ ըստ պետական չափորոշիչների: Ա խմբի շահառուներին սոցիալական խնամողները կատարել են ամենօրյա այցեր, իսկ Բ խմբի շահառուներին՝ շաբաթական 2-ական այցեր: Նախապես կազմվել են այցելությունների գրաֆիկները, և այցելությունները կատարվել են այդ գրաֆիկներին համապատասխան:

Սոցիալական խնամողները մատուցել են հետևյալ ծառայությունները. Մարմնի ամբողջական, մասնակի խնամք, անձնական հիգիենայի պահպանում, լոգանք, տակդիրի փոխում, լվացքի կազմակերպում, արդուկում, բնակարանի հարդարում, սննդի պատրաստում, կերակրում, գնումներ, կոմունալ վճարումներ: Շահառուներին ուղեկցել են նաև վարսավիրանոց, խանութ, փոստատուն, բանկ՝ քարտային թոշակը կանխիկացնելու համար:

Հաշվետու ժամանակահատվածում գործել է նաև լվացքատունը, որտեղ լվացվել, արդուկվել են շահառուների հագուստները և հատկացվել վերջիններիս: Այն շահառուներ լվացքը, ովքեր իրենց բնակարաններում ունեն լվացքի մեքենաներ, սոցիալական խնամողները լվացել են շահառուի բնակարանում:

Շահառուներն ապահովված են կենցաղային սպասարկման, հիգիենայի պահպանման ծառայություններով՝ ըստ անհրաժեշտության: Լվացքի, լոգանքի, տան մաքրության ծառայությունների շնորհիվ բարելավված է շահառուների հիգիենիկ վիճակը:

Բժշկական օգնություն և սպասարկում

Հաշվետու եռամսյակում բուժքույրերը շահառուների բնակարաններ այցելությունները կատարել են ըստ նախապես կազմված այցելությունների գրաֆիկի և պետական չափորոշիչների: Ա խմբի շահառուներին կատարել են շաբաթական 2-ական այցեր, իսկ Բ խմբի շահառուներին՝ շաբաթական 1-ական այց: Կարիքի դեպքում կատարել են նաև լրացուցիչ այցելություններ:

Այցելությունների ժամանակ կատարվել են արյան ճնշման, թթվածնի քանակի, շաքարի մակարդակի չափումներ, միջմկանային, ներերակային ներարկումներ, վերքերի մշակումներ, դեղորայքի ընդունման վերահսկում, խորհուրդներ, վերականգնողական վարժություններ, ականջի լվացում: Բուժքույրերը մշտական կապի մեջ են եղել շահառուների թաղամասային բժիշկների հետ: Թվով 7 շահառուի համար ստացել են պետության կողմից հատկացվող դեղորայքը և հատկացրել շահառուներին:

Այցերի և մատուցված ծառայությունների վերաբերյալ կատարվել են նշումներ ծառայությունների մատուցման ստուգաթերթում, ինչպես նաև շահառուի բնակարանում գտնվող ծառայությունների մատուցման տնային թերթիկում:

Տրամադրված կանոնավոր բժշկական օգնության, առողջապահական ծառայությունների, դեղամիջոցների տրամադրման և բուժքույրերի հեղուկացման շնորհիվ պահպանված և բարելավված է շահառուների կայուն առողջական վիճակը:

Սննդի, հիգիենիկ պարագաների և դեղորայքի հատկացում

Սեպտեմբեր ամսին շահառուներին հատկացվել են չոր սննդի փաթեթներ:
Հաշվետու եռամսյակում շահառուներին հատկացվել է նաև բժշկի կողմից նշանակված դեղորայքը, որը չի տրամադրվում անվճար, ինչպես նաև առաջին օգնության դեղորայք:

Սննդի, հիգիենիկ պարագաների ու առաջնային անհրաժեշտության դեղամիջոցների տրամադրման շնորհիվ մեղմվել են շահառուների սոցիալական կարիքները:

Մշակութային միջոցառման կազմակերպում

Սեպտեմբերի 12-ին կազմակերպվել է էքսկուրսիա Գյումրի քաղաք, որին մասնակցել են այս ծրագրի թվով 5 տարեցներ: Ուխտագնացությանն են միացել նաև Վանաձորի և Գյումրու Տնային խնամքի ծրագրի այլ շահառուներ: Տարեցները շրջել են քաղաքում, այցելել Սուրբ Յոթ Վերք և Սուրբ Ամենափրկիչ եկեղեցիներ, մոմ վառել, աղոթել Հայաստանի սահմանների խաղաղության համար: Հաճելի օրը շարունակել են բնության գրկում: Այն հնարավորություն է տալիս 2 մարզերի տարեցներին շփվել միմյանց հետ, գրուցել, վայելել մաքուր օդը, կիսել հոգսերն ու խնդիրները:

Սեպտեմբերի 30-ին՝ Տարեցների միջազգային օրվան ընդառաջ, կազմակերպվել է «Գուշակի ֆիլմը» խաղ-մրցույթը, որին մասնակցել են ծրագրի թվով 4 շահառուներ: Միջոցառմանը մասնակցել են նաև Վանաձորի և Գյումրու Տնային խնամքի ծրագրի այլ շահառուներ: Ցուցադրվել են դրվագներ ՀԱՅՖԻԼՄԻ նկարահանած ֆիլմերից, որոնց անունները պիտի կռահեին տարեցները: Միջոցառումը կազմակերպվել է Վանաձորի ԼՈՖԹ կենտրոնում: Առավելագույն միավորներ հավաքած թիմն արժանացել է հավաստագրերի ու մրցանակների: Խաղ-մրցույթին իրենց մասնակցությունն են բերել Օրբան ԲՀԿ-ի պատանի դիոլահարները, ինչպես նաև Վանաձորի թիվ 22 դպրոցի աշակերտները: Վերջիններս տարեցներին նվիրեցին ծաղիկներ ու շնորհակալական բացիկներ:

Կազմակերպվող միջոցառումները նպատակ ունեն ինտեգրել միայնակ տարեցներին հասարակության մեջ:

Հաշվետու ժամանակահատվածում կազմակերպվել են շաբաթական աշխատանքային հանդիպում-քննարկումներ, որոնց ժամանակ ամփոփվել են կատարված աշխատանքները, առաջացած հրատապ խնդիրները և պլանավորվել հաջորդ շաբաթվա անելիքները:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Էքսկուրսիա Գյումրի

<https://www.facebook.com/photo/?fbid=929616085869326&set=pcb.929618395869095>

Տարեցների միջազգային օր

<https://www.facebook.com/photo/?fbid=939503184880616&set=pcb.939504201547181>

Բոլոր այցերի, միջոցառումների, իրականացված աշխատանքների վերաբերյալ անհրաժեշտ թղթաբանությունը և նկարները հավաքվում և պահպանվում են:

Եռամսյակային հաշվետվությանը կից ներկայացնում ենք հաջողության պատմություն:

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են միջոցառման գործողությունների իրականացմանը:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Ծրագրի հաջորդ եռամսյակում պլանավորվում է շարունակել ծրագրով նախատեսված բոլոր գործողությունները, մասնավորապես.

- 1) կենցաղային սպասարկում
- 2) բժշկական օգնություն և սպասարկում
- 3) սոցիալ-հոգեբանական օգնություն
- 4) խորհրդատվության օգնություն
- 5) լվացքատան ծառայություն
- 6) առաջին օգնության դեղորայքի տրամադրում
- 7) մշակութային միջոցառման կազմակերպում:

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել միջոցառման աշխատանքային պլանով, բայց իրականացվել են միջոցառման նպատակին հասնելու համար:

Հուլիսի 4-ին Տնային խնամք ծրագրի սոցիալական աշխատողներն ու սոցիալական խնամողները Հայկական Կարիտասի «Արժանապատիվ կյանք տարեցներին» ծրագրի շրջանակում մասնակցեցին «Վիշտ, կորուստ և դրա հաղթահարման ուղիները աշխատանքային միջավայրում» թեմայով հոգեբանական դասընթացին: Դասընթացը վարում էր հոգեբան Արմինե Գմյուրը:

Սեպտեմբերի 11-ին ծրագրի սոցիալական աշխատողն ու բուժքույրը մասնակցել են Wired International- Armenia և Միասին Հասարակական կազմակերպության կողմից կազմակերպված «Առողջությունը՝ բարեկեցության գրավական. WIRED» 5-րդ դասախոսաշարին: Ներկայացվել են Հայաստանում առավել տարածված հիվանդությունների 7 առողջապահական-կրթական մոդուլները՝ Քաղցկեղի ներածություն, Երևանյան հիվանդություն, Կնոջ վերարտադրողական համակարգի կարգավորումը, Արյան բարձր ճնշում, Շաքարախտ, Վարակիչ և ոչ վարակիչ հիվանդություններ, Վահանագեղձի հիվանդություններ: Վերջում մասնակիցները ստացել են դասախոսաշարին մասնակցության հավաստագրեր:

Օգոստոսի 28-ին Տնային խնամք ծրագրի ղեկավարը մասնակցել է ԱՍՀՆ-ի կողմից կազմակերպված քննարկման, որտեղ ներկայացվել է Պետական հավաստագրերի միջոցով հաշմանդամություն ունեցող անձանց խնամք և սոցիալ-վերականգնողական ծառայություններ տրամադրելու կարգը:

Տնային խնամք ծրագրի ղեկավարը սեպտեմբերի 12-ին և սեպտեմբերի 27-ին մասնակցել է Տարեցների պաշտպանության ցանցի հանդիպումներին, որտեղ քննարկվել են Տարեցների միջազգային օրվան նվիրված միջոցառումները, ինչպես նաև տարեցների խնամքի ոլորտում առկա բուժքույրական կրթության բացերը, ՄԱՀԲ կողմից իրականացված հետազոտությունը և հետագա քայլերը այս ոլորտում:

ՀԱՇՎԵՏՎՈՒԹՅՈՒՆ

«Հայկական կարիտաս» ԲՀ-ի տնային պայմաններում խնամքի մատուցված ծառայությունների վերաբերյալ

h/h	Մատուցվող ծառայության անվանումը	Ծառայություն անձանց թիվը	ստացած
1.	հաշվետու ժամանակահատվածի՝ սկզբում/վերջում շահառուների թվաքանակը	46/47	
1.1	այդ թվում՝ կին	41	
1.2	այդ թվում՝ հաշմանդամություն ունեցող անձինք՝ 18-65 տարեկան	3	
1.2.1	այդ թվում՝ կին	3	
1.2.2	18-40 տարեկան	0	
1.2.3	40-65 տարեկան	3	
1.3	65 տարեկանից բարձր	44	
1.4	այդ թվում՝ Լեռնային Ղարաբաղից բռնի տեղահանված անձինք	0	
1.4.1	այդ թվում՝ կին	0	
2.	Ըստ գնահատված կարիքի՝ դասակարգված խմբերում ընդգրկված շահառուների թվաքանակը (Ա/Բ). նշել յուրաքանչյուր խմբում ընդգրկվածների թիվը	Ա - 4 (4 կին) Բ - 43	
3.	կենցաղային սպասարկում.	47	
4.	բժշկական օգնություն և սպասարկում.	47	
5.	սոցիալ-հոգեբանական օգնություն	47	
5.1	այդ թվում՝ մշակութային բնույթի ծառայությունների և միջոցառումների կազմակերպում	9	
6.	խորհրդատվական օգնություն	10	
7.	այլ ծառայություն (նշել) • վնասվածքների ծառայություն	12	

Կազմակերպության գործադիր տնօրեն՝ Գ. Տարապյան

« 14 » հոկտեմբեր, 2024 թ.

Պ Ա Տ Վ Ի Ր Ա Տ ՈՒ Ն

Գլխավոր քարտուղար՝ Ս. Մուրադյան

(ստորագրություն)

Կ.Տ.

Կ Ա Տ Ա Ր Ո Ղ

Գործադիր տնօրեն՝ Գ. Տարապյան

(ստորագրություն)

Կ.Տ.

